

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 36 (1950)

Artikel: Emprovas : Iso

Autor: [s.n.]

DOI: <https://doi.org/10.5169/seals-882339>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 24.05.2025

ETH-Bibliothek Zürich, E-Periodica, <https://www.e-periodica.ch>

Emprovas: Iso

Tgei?

Cordoli ed auguri
ruaus e stgir susuri,
fortuna e sventira,
sort loma e sort dira
ein setschentai en rema
per grazia alla plema!

Nua?

Schi lunsch sco gl' egl camina
segeinan tgaus de flurs
en l' unda vespertina,
senclinan devozius.

E tscheu e leu s' entarda
il vent per contemplar . . .
svanescha e sespiarda,
sto vinavon sufflar, sufflar?

Sviaus

Sviaus dal trutg greppus,
cun auto vas per via lada,
ei lev e meins stentus
che teissa, nauscha strapazzada.

Vargad' ei la fermata
la pli davosa sper la senda
mo vinavon sbargatta
lontan, en nunsminada tenda.

Nu' ei la finamira,
ei quei la dretga via?
Sguard' anavos e mira,
dai al vargau adia . . .

Retuorn

Ti piardas oz tutta vigur,
eis morta e senza glischur!
Tgi ha curclau ti' egliada,
tgi ha plagau cun la spada
profund tei mi' olma?

Ti spluntas e battas terrur
tschinclaus da ton mal e dolur,
ti cor che vul esser patrun
ed eis en verdad in ladrun.
Lai reger mi' olma!

Ti cor che vul prender la via
che meina mei en prischunia:
Igl art ei la vera canzun
vengonza suletta digl um.
Sche conta mi' olma.

Propiest

In trutg tras neiv de mars . . .
Quel duei sur stad restar?
Ti eis bein tups ni nars
sch' ti vul cun quei quintar.
Damaun gia la marschauna
sparuna fors' a val
neiv marscha e malsauna
e tei el marsch iral.

Credo

Utschals egl ault sesaulzan,
sestandan viers gl' azur
tras arias che rebaulzan
per impedir lur tur.

Pli ault mes plans secatschan,
sefetgan tral stemprau,
mo anavos rebattan
sc' in utschiet curdau.

Ensi, dals aults sefida
e l' ala della mort
lu fors' in di tei gida
a setschentar el port.